

舒華公暨德配許宜人合傳

公諱黃現字舒華父原恆有子三公其仲也貌魁偉幼穎悟就學鄉塾貧不能具脰脯稱貸以給而境瘠荼苦遂徙業與伯氏黃瓚季氏黃瑜丕隴畝公尤善治生居無何資用漸溫裕同治癸亥舅季析簪公盡斥賣其所分業產單心賢遷討論貨賄與時逐爾光緒丙子創童家衝泉留佳衝宅自是家益不訾然不自封殖賙窮捄荒治塗梁罔不竭力以赴貧家女無力鞠育者初誕時輒盛諸簾於夜午綰繫公門公必雇嫗乳之不瞻則佐以米汁視如己出配許宜人仁淑孝謹與公同德事舅姑委

宛備至於妯娌終歲無諍語公善怒宜人婉孌將順門以內邕
邕翼翼治家嚴而慈揭橥誠樸毋敢越有不帥教不假撻楚呼
與靜對開譬感悟損己濟人施與好義承祭必誠讌賓必豐敝
精罷神數十年如一日宣統辛亥公卒民國癸丑宜人卒子五
大森大規大晉大澍皆有學行大觀曾任議員厯充都總提倡
教育總理族事賡續先德鄉閭族戚靡不欽仰女六皆適士族
孫十四啟業湖南全省保安司令部科員啟彬河南第二區行
政專員公署科長啟英陸軍八十三師上尉軍醫啟雄福建清
明縣科員啟宇啟棠啟藻啟蔚啟蕃啟芹啟茂啟勛啟梓均賢

曾孫十三星煒省立高級師範畢業星嘉國民政府軍事委員會委員長行營秘書星烈全國經濟委員會公路處科員星照湖北省政府電務主任星傑嶽雲高中畢業星熙星三星榮星耀均肄業中學星垣星亮星德星朗均幼荀子云積厚者流澤廣公之積亦良厚矣其世享振振庸有既乎爰摭其行蹟著於篇以俟之

清進士出身調署駐俄參贊員外郎銜度支部主事軍餉司司長族繼訓撰